



Broj: 04-40-1-196/22
Sarajevo, 16.07.2022. godine

Na osnovu dobivenih i obrađenih informacija od općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 15.07.2022. do 08:30 sati 16.07.2022. godine**

U izvještajnom periodu Kantonalni operativni centar civilne zaštite zaprimio je jednu informaciju o pronalasku NUS-a i to dana, 15.07.2022. godine u 17:15 sati od Policijske stanice Ilidža, da je na lokalitetu Jasike (Stojčevac), pronađen jedan NUS.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozirano ubojno sredstvo preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo, u izvještajnom periodu su imali osam intervencija od čega jednu veću.

Veća intervencija je prijavljena u 04:57 sati, u ulici Sakiba Nišića bb, gdje je došlo do požara u šupama koje se nalaze između više stambenih objekata. Požar je lokalizovan u 05:35 sati, a do pisanja ovog izvještaja nije u potpunosti likvidiran, te su vatrogasne ekipe još uvijek na terenu. U akciji gašenja je učestvovalo 20-ak vatrogasaca sa četiri vatrogasna vozila. Nije bilo povrijeđenih lica, a pričinjena je veća materijalna šteta.

Manje intervencije: nekoliko zapaljenih automobila na parking u naselju Dobrinja, požar u napuštenom objektu u ulici Latička, požar u kiosku, gašenje zapaljene šupe, gašenje niskog rastinja, te dvije tehničke intervencije (otvaranje ulaznih vrata na stambenim objektima).

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnadbijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 18°C, vlažnost zraka 65%, barometarski pritisak 946,5 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
DEŽURNI OPERATIVAC
Mladen Lučić

Dostavljeno:

- Direktor KUCZ Kantona Sarajevo
- Federalnom operativnom centru civilne zaštite
- a/a